



**TERTIB ACARA
KEBAKTIAN PARTONGGOAN RUMAH TANGGA
GKPS PADANG BULAN, MEDAN**

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>



Suhut : SEKTOR 2 (Betlehem)

Parambilar : Penginjil Narsinta Manik. **Paragenda**: St. Manahan Damanik,

Doding : Sy. Bornariamal Saragih. **Singer**: Sy. Friska Purba, Ing.Orbawati

Damanik, Ing.Cory Ginting, **Galangan**: Sy. Rajadingding Girsang. **Tonggo**

Syafaat: St.TM.Purba, **Musik** : Almendo Simbolon.

Panorang : Jumat, 29 Mei 2020, Pukul 19.30 WIB

Persiapan : (Siparugas, Sitonggohonon, Sisahapkonon),

(Kuria ibagas sikap "Saat Teduh")

1. VOTUM – INTROITUS – TONGGO :

P. : Ibagas goran ni Naibata Bapa pakon Tuhan Jesus Kristus ampa Tonduy Napansing, Sitompa langit pakon tanoh on. Amen.

Sada daging anjaha sada tonduy, songon nasiam na tardilo ibagas sada pangarapan bani pandiloon ai, sada Tuhan, sada haporsayaon, sada pandidion, sada Naibata, ai ma Bapa ni haganup, sigomgomi haganup, sitorusi haganup ampa siiani haganup. Haleluya.

Martonggo ma hita!

Ham Tuhan Naibata na i nagori atas, roh do hanami panorang on hu lobei-lobei-Mu ibagas sihol ni uhur marparsaoran hu Bamu. Na mangindo do hanami nuan, marianan ma Ham i tongah-tongahnami, marhiteihon Tonduy-Mu Na Pansing in. Ungkab Ham ma hauhuronnami bei, ase tongtong sirsir hanami laho manjalo janah mamparibagaskon Hata-Mu na gabe hagoluhannami. Amen!

2. DODING: Hal. 304. Sada Goran na Majenges (1-3)

1. Sada goran na majenges humbai ganup goran in Goran ni Tuhanta Jesus in do sijengesan in Goran-Mu o Tuhan sai dodingkononku in Goran-Mu Jesuskin na pamalum uhurhin

2. Sai na malum do uhurhu, domma sonang tonduyhin Goran-Mu, do sinajatanku, maralohon munsuhkin Goran-Mu, O Tuhan sai dodingkononku in Goran-Mu, Jesuskin na pamalum uhurkin

3. Sipaluah do Goran-Mu, na pamonang tonduyhin Ganup rantei ni si bolis, ningon rotap baenon niin Goran-Mu, O Tuhan sai dodingkononku in Goran-Mu, Jesuskin na pamalum uhurkin

3. Mambasa Ayat Bulanan pakon Hatorangana

4. DODING : Hal. 310. Ge Daoh Ponop Openi (1-2)

1. Ge daoh ponop openi ujungni dalankin Tuhan do manogu ahu bani pardalanankin Bahen Ham au pambalosi bani ganup rosuh-Mu Lang be sangsi janah gobir sai totap porsaya au

2. Tuhan ulang au paturut manontuhon langkahkin Pitah Ham ma hutangihon bai ganupan goluh on Bai ganup hahuranganku pakon pardousaonkin Togu-togu Ham ma ahu das hubani ujungnin

5. Tonggo Syafaat

6. DODING : Hal. No. 353. Marsora do Tonduy ni Tuhanta in (1-3)

1. Marsora do Tonduy ni Tuhanta in. Gati lang itangar, itulak ham in. Sai tanda dousamu sopotkon homa. Holong do atei-Ni isasap do in.

2. Marunduk ni uhur sopotkon ma in, pambaen mu na jahat ampa jungkatmin. Ondoskon bai Jesus bulat dirimin, tongtong ma sai dingat pangkopkop-Ni in.

3. Tangihon hata-Ni ihutkon ma in,
ondoskon dirimu bai gomgoman-Nin.
Pangindo bai Tuhan tongtong tonduy-Nin,
pargogoh mangkorjahon hata-Ni in.

7. AMBILAN : Galatia 5:16-26

Bapa/inang selaku halak naporsaya sihol do uhurta mangkorjahon, marpambahenan namadear, namajenges sadalan hubani na iharosuhkon Naibata, hape gati do lang tarpasaud hita songon na pinindo ni Naibata ai. Dong tong namangolati ibagas dirinta, songon gogohan tong panggora ni daging marimbang sora ni Tonduy, dobni sura-sura ni daging tong nasaud. Usih sonai do homa age na masa itongah tongah ni kuria Galatia.

Kuria nahinaholongan, Teks ni ambilanta on aima nasehat ni Apostel Paulus naberupa motivasi,semangat, dorongan, dampak kuria Galatia, age das hubanta sonari. Ase totap toguh mangkaporsayai yesus kristus nagabe sipaluah. Ai pitah halani haporsayaon do ase ipintori hita, songon natarsurat bani Halani ai, hanami pe, marhaporsayaon do bani kristus Jesus, ase ipintori

Galatia 2:16 Tapi ibotoh hanami do, naso dapotan hapintoron jolma marhitei namangkorjahon titah, tapi marhitei haporsayaon bani Jesus Kristus do.hanami marhitei haporsayaon bani Kristus, sedo marhitei namangkorjahon titah, ai marhitei namangkorjahon titah, seng adong na dapotan hapintoron. On do naporlu ipertahankon , Halani domma anak ni Naibata sidea, nabinobahon ni Tonduy. Hape urah tumang do mubah-ubah lang hot, lang mampu bertahan humbani pengaruh, dob ni terjadi do krisis iman, krisis identitas, citra ni sidea sebagai halak naporsaya, nabinobahan ni Tonduy domma saor bai nasambor. Dong homa deba namansalah gunahon hamardekaon ai laho mansuhun-suhuni hisap-hisap ni daging. lang be komit sidea mangkagoluhkon haporsayaon nadob ondos bani sidea. Hinorhon ni adong parpodah nakahou berusaha manggugai, manggeori sihol mangubah hasintongan ni ambilan namadear, namangkatahon

marhitei namandalankon titah pakon sunat secara pardagingon do ase boi sidea jumpahan haluahon.

Nini Paulus Bani Galatia 1:6, Longang do uhurhu, halani sonin podas nasiam marbalik hun Bani, nadob mandilo nasiam marhitei idop ni uhur ni Kristus, laho mangihutkon ambilan namadear nalegan. Hita haganupan, Bagas tumang do podah ni Paulus on, ase ulang tubuh parbolat-bolatan na ujung ni boi menjurus hubani namarsiharatan, marsipanganan ayat 15, halani terjadi persaingan, tapi lang be persaingan nasehat tapi domma persaingan tingkat tinggi. Sonon ma namasa anggo pitah mamorluhon/manuruti ke inginan ni daging. Lupa use bai natang siporlunan bani Gal.5:14, ai haganup titah in ibagas hata nasangkababah on do rimpunni, Haholongi ma hasomanmin songon dirimu. Ase lang be pitah tanda jasmaniah atap pardagingon tanda ni naporsaya bani Naibata tapi naporlu tumang tanda ai jumpah humbaniambahenan, pangabak, parlahou aima goluh namarsihaholongan, on ma tanda-tanda ni kuria nadob binobahon ni Tonduy.

Bani ayat 16 -17 iparentahkon Paulus do , ase marguru bani Tonduy ma parlahou nasiam , marguru aima humbani hata “ paripatew ” to go a bout, walk in the sense live” to conduct” namararti mardalan, berjalan (manggoluh) berjalan pada Roh, mardalan ibagas Tonduy ni Naibata,ase anggo mardalan ibagas Tonduy gabe tonduy ai ma namangarahkon, namanogu-nogu, napatudu dalam ronsi namanaruhkon halak naporsaya in bai dalam natorang das bai hasonangan.

Namangihut use iparentahkon, ulang ma suhun-suhuni nasiam hisap-hisap ni daging in, hata suhu-suhuni humbani hata “telew”= to bring to end, to finish, to complete” hira sonon pangarusion ni: membawa sampai suatu akhir. Jadi anggo ihatahon ulang suhun-suhuni maksudni ulang inunut-nunut ihorjahon, ulang sampe dung, ulang adong hata tanggung. kan ra do anggo adong horja rais na lape salosei, rado ihatahon hita ah tanggung salosihon ma

lah,toruskon ma. Pakon hata nalegan atap sonaha domma sompat ihorjahon atau pas sanggah ihojahon dousa ai maningon iujungi /i pasoh.

Songon na ihatahon Tuhan Jesus bani naboru pardosa ai laho ma ham, ulang be nunut ham mardousa hunjon hujan Joh. 8 : 11, dos do tujuan ni ai ulang ma suhun-suhuni nasiam hisap-hisap daging in. Halani lang dong pardomuan ni parlahou ni Tonduy pakon parlahou ni daging marlawananan do on dua kekuatan yang terus berperang ibagas dirini halak karisten sepanjang hidup ase lang boi lengah.

Halani ai maningon ondoskononta do dirita ibobahon Tonduy ase margogoh patalarhon Horja ni Tonduy ai ibagas goluhta, **songon na ipatangkas ni apostel Paulus bani ay.22 ia buah/horja ni Tonduy aima: Holong (agave/love), malas ni uhur (joy , delight), dame (Eirane , peace, harmoni, wellface,health) = damai sejahtera, lumbang ni uhur (patience, long suffering , forbearance) ketabahan , tahan menderita, habasaron (kindness, goodness) kebaikan , kemurahan , halayakon (goodness,weprightness) kebaikan , kemurahan, Halayakon (goodness, wprightness) kebaiakan, ketulusan , kejujuran, haporsayaon (faith, belief,trust) kesetiaan beriman, halamlamon (meekness,humality,gentleness) kelemahlembutan, panrajaion diri (mastery,self control) pengendalian diri.**

Urah do anggo pitah manggorani, manobuti sodap do homa halani ai marosuh do diri tapi anggo mangkorjahon...mampraktek on...naha do nani?? Namin on ma Haganupan horja ni halak namarguru bani Tonduy, halak naporsaya margogoh do mangkorjahon ai, **ai ibotoh hita nadob tarsilang do hajolmaonta naburuk in rap pakon-Si, ase iparseda badan pardosaon, ase ulang ra be hita parjabolonon ni dousa, Rom.6:6, pakon bani kol.3:5 Ai pe bunuh nasiamma pagori nasiam na itanoh on, pariah-riahon, habutakon, hisap-hisap, sura-sura jahat ampa uhur haut, aima parnaibataon nalegan.** Hunjon iarusi hita sasintong ni ai lang be dong kekuatan ni horja ni daging halani domma ibunuh, ipamatei hita ibagas dirinta, **songon na jumpah bani ay.19-21 adong 15 masam ni horja-horja ni daging,** lang pala be igoranni

hita. Hita haganupan Naporlu ipareksa hita naha ma tongon sonari goluhta na ija do gatinan ope namanrajai hita horja ni daging do atap horja ni Tonduy ??? Sejarah pardalanan goluh ni kuria Galatia bani panorang ijia aima sada gambaran pardalanan ni kuria ganup panorang, das hubani sonari, buei namambahen ganggu uhurta, boi do roh ai humbagas dirinta, boi homa hundarat ni dirinta,buei faktor penyebab namambahen hita galek.

Mingguta sadarion aima pardingatan Parroh ni Tonduy Napansing, ipaingat hita ase tongtong manggoluh ibagas hapansingon, domu hujai ase totap ma marpala-pala hita pasaudkon sura-sura ni Tuhan, ulang sura-sura ni uhurta atap daging ta tumang.Pangkorhon ni Tonduy napansing pingkirhon hita ma tong-tong naporlu bani Tuhan pakon hasoman, ai anggo pitah mansuhuni naporlu bani dirinta sandiri do hansa, sura-sura pardagingon do ope hansa ai. Tong-tong ma marmalas ni uhur halani totap do ibobahan Tonduy ai goluh ta, goluh ni naporsaya totap do ipardiatehon. Halani ai Imampuhon do hita laho mandompakkon tantangan pakon hamaholon ni goluh age ronsi manlawan habiaran-habiaran, ase totap hita mardalan, manggoluh sadalan bani harusuh ni Tonduy

8. DODING : Hal. 80. Ham o Tonduy Na Pansing in (1+3) (Irik mangondoshon galangan)

1. Ham o Tonduy Napansing in, masuki uhurnami bei, papansing uhurnami.
Ham sondang na hun surga in, sondangi uhurnami bei, pamalas uhurnami.
Ase masa gabe Hata-Mu ma dalanonkon nami, uhur-Mu ma hubannami.

3. Pagogoh Ham hanami rup, lao mangirikkon hata-Mu, bai pardalanannami.
Haporsayaonnami pe tambahi Ham, ge naha pe, na sahit roh bannami.
Pingkir, tungkir, dirinami, sai pasonang uhurnami, ase monang tong hanami.

9. TONGGO GALANGAN – PANUTUP – PASU PASU

Parambilan : Ondoskon hita ma galanganta hubani Naibata, martonggo ma hita: *(Basaon ma sada tonggo galangan na bani halaman 119)*

Riap ma hita martonggo marhitei tonggo na niajarhon ni Tuhan Jesus hubanta.

Parambilan : *Ham Bapanami na i nagori atas. Sai napapansing ma goran-Mu. Sai roh ma harajaon-Mu. Sai saud ma harosuhni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousa nami songon panasap nami bani dousa ni hasoman na mardousa dampak hanami. Ulang hanami bobai Ham hu parlajouan. Paluah Ham ma hanami humbani pangagou. Ai Ham do simada harajaon, pakon hagogohon, ampa hasangapon sadokah ni dokahni. Amen.*

Parambilan: **Jalo nasiam (hita) ma pasu pasu humbani Naibata:**
Idopni uhur-Ni Tuhanta Jesus Kristus, pakon holong ni atei ni Naibata Bapa, ampa parsauran ni Tonduy Na Pansing ma mangkasamani nasiam (hita) haganupan. Amen!

Kuria : *(Mandodingkon)* **Amen...Amen...Amen...**

10. Parsahapan - Tugah-tugah
